

مغتسل بارد | درس رائع الشيخ محمد خيرى الدرس الاسبوعي

محمد خيرى

السلام عليكم ورحمة الله وبركاته الحمد لله رب العالمين له الحمد الحسن والثناء الجميل واشهد ان لا اله الا الله وحده لا شريك له واشهد ان محمدا عبده ورسوله. وبعد فاسأل الله سبحانه وتعالى - [00:00:00](#)

ان يكتب لنا في هذه الليلة المباركة التوفيق في الدارين. وينفع بنا وبكم حيثما كنا وكنتم. واسأله سبحانه وتعالى ان يأخذ بأيدينا اخذ الكرامة للحوثة لحسن الوفادة اليه. وعليه. ما زال - [00:00:21](#)

الا حديثنا حول رحلة العودة بعدما جاءت رحلة الهبوط رحلة الهبوط التي ذكرناها في قصة ادم لما اهبط من الجنة وقلنا ان اثر الزنب ادى الى ان ادم وزوجة نزلوا الى الارض - [00:00:41](#)

ومارسوا آآ بسبب هذا الزنب وقدر الله عليهم هذا الزنب ليكون سبب للهبوط وهذا الهبوط في الارض هو مستقر الى حين. يعني وقت قليل وبعد كده كلنا هنرجع فيا ترى رحلة العودة هتكون عاملة ازاي - [00:01:12](#)

ويا ترى هاد سيكون عودا حميدا اما ذا عن العود فنسأل الله ان يجعله عودا حميدا احمدا اتكلمنا في المرة السابقة في بداية رحلة العودة او رحلة الصعود ان في ان درجات وفي خطوات حد فاكرا ايه هي الخطوات - [00:01:36](#)

تكلم عن خطوات العودة خطوات العودة كنا اول حاجة موضوع ان باب التوبة مفتوح باب التوبة مفتوح وها قلنا ان النبي صلى الله عليه وسلم قال كل ابن ادم خطاء الكل هيغلط - [00:02:08](#)

وقلنا حديث والذي نفسي بيده لو لم تذبوا لذهب الله بكم ثم اتى باقوام يزنبون ثم يستغفرون فيغفر الله لهم وقلنا الحاجة الثانية ان الانسان يراجع الفواتير احسنتم ما شاء الله مزاكرين - [00:02:41](#)

في بعض الناس لا ينتبه لهذا الباب ويضع النار جنب البنزين ويقول لك ان شاء الله هتعدى. وهيقول لك ان ايه جيب جركن البنزين ويكتب عليه ممنوع الاشتعال. يبقى هيشتعال ولا مش هيشتعال - [00:03:06](#)

واحد جاب جركن ازاة وحط فيها البنزين وبعدين الازاة دي اغلق واحكم الغلق ثم كتب عليه غير قابل للاشتعال واقترب من النار ايه اللي هيحصل ما رأيكم دام فضلكم؟ هيشتعل ليه هيشتعل؟ دا هو كاتب عليه غير قابل للاشتعال - [00:03:23](#)

برضو كلكم بتقولوا هيشتعل طبعاً سبحان الله يعني الموضوع مش مجرد ان انا واهم نفسي بشيء. على فكرة ده زي اختي والله العزيز عمري ما فكرت التفكير الوحش اللي احيانا بييجي في قلوب - [00:03:53](#)

الشباب ده اه يا حبيب قلبي بصوا يا جماعة الخير انا لا احصي كامل الاستشارات التي اتت لي في مسل هذه الابواب ولا اعلم امرأة ولا رجل عندما وقع فيما وقع فيه - [00:04:09](#)

كانت تحدسه نفسه انه سيقع. كان دايماً يقول سبحان الله كانت دايماً نفسه تقول له لأ احنا مش زي الناس دي. وكان بيستغرب الناس بتقع ازاي! يقول لأ الحمد لله انا غير. عمري ما افكر في الكلام ده. وهي - [00:04:31](#)

قل كده سبحان الله انا عمري ما هفكر في الحاجة دي كلكم كلهم كانوا بيفكروا بنفس التفكير. ما فيش حد يا جماعة في الخطوات الاولى كان بي فكر اللي جاي. وايه الخطوات القادمة - [00:04:47](#)

او ايه اللي هيحصل؟ ما فيش حد مش حد كان مستحضر ابدا هذا الباب. ليه بقى؟ لانه لم يحترم لحظات الضعف والنبي صلى الله عليه وسلم قال من اجتمع رجل وامرأة - [00:05:03](#)

الا وكان الشيطان ثالثهما. فده باب مفهوم لازم تفهمه كويس قوي. يا سيدي انا بسق فيك. وانت راجل زي العسل انت ما شاء الله انت

اميرة الامراء شمس الشمس قمر الاقمار. انت كالبدر في آآ بياض الايمان - [00:05:16](#)

لكن انا لا اثق في الشيطان لا نثق في الشيطان الباب ده مهم جدا الام اللي بنتها بتتخطب النهارده وتسيب بنتها تكلم خطيبها بالساعة والساعتين وفي رواية خمس ساعات عند الزيارات - [00:05:37](#)

وبعدين الحمد لله لأ احنا بنتنا عمرها ما تغلط. الحمد لله احنا مربيينها التربية الصحيحة. والله لو ربيتوها التربية الصحيحة ما هتعملوا كده. فالباب ده ضروري ان احنا نستوعبو لان في ضوابط شرعية - [00:05:58](#)

الضوابط دي مش انا اللي حطيتها ولا حضرتك اللي حطيتها الضوابط دي اللي حطها النبي صلى الله عليه وسلم واللي وضع الضوابط ديت هو الوحي كتابا وسنة فبلاش ان احنا - [00:06:16](#)

نيجي في يوم من الايام نخط احنا ترتيبات من زهننا آآ قوانين قواعد لان سبحان الله وبالتجربة بالتجربة لابد انك تدوق الفواتير وتدفع الفواتير بما انك عملت وتجاوزت اه ادفع الفاتورة بقى - [00:06:36](#)

ايه اللي من ضمن الفاتورة؟ من ضمن الفاتورة ان بنتك اتعلقت به وبعدين جينا نكتب القايمه ولا جينا واحنا بنفرش هي محتاجة عاوزه المطبخ بطريقة معينة هو عاوز السجاد بطريقة معينة ايه اللي يحصل؟ يلا كل واحد - [00:07:00](#)

يروح بقى لحاله خلاص تقول لك مش قادرة يا ماما ليه؟ لانك انت يا ماما غرستي في غرس وزرعت في بزره بزره التعلق. كبرت دلوقتي بقت شجرة كبيرة قوي مش قادرة - [00:07:19](#)

اسيبه ده انا بيني وبينه شاة الله اعلم بها. ايه كنت بتعملي ايه؟ احنا مربيينك على الغالي وعلى الحاجات الكويسة. ايوه يا ماما حاجات كويسة. حافظوا وعلى قلب اولادكم قلب بنتك مليء بالمشاعر. لا ترخصي هذه المشاعر. وانا بنصح جميع الفتيات. حتى لو هم ضغطوا عليكم - [00:07:33](#)

حتى لو هم ضغطوا على حضراتكم. اياكم ثم اياكم ان حضراتكم يعني تتسببوا ان مشاعر ولادكم الغالية قوي دي آآ تتصرف برخيص لا ترخصوها مش ترخصوها القلب ده مليون مشاعر. وانت يا حبيب قلبي قلبك مليون مشاعر. لا ترخص هذه المشاعر. ما تطلعهاش ببلاش - [00:07:58](#)

طلعها غالية قوي ما ترخصهاش وانت بقى لك ما شاء الله خمستاشر عشرين ثلاثين سنة. محافزة جدا على قلبك ومركزة جدا في الحاجة دي وان منعها طول الفترة ديت في السانوية وقبلها اعدادي. وطبعا اليومين دول وابتدائي كمان. والجامعة وكل الكلام ده - [00:08:28](#)

لما حضرتك حافرتي على قلبك ومشاعرك وعمرك ما قلتي الفاظ الود والمحبة وحافرتي عليها ليه تيجي تضيعها تضيعها في الاخر وتبزميها كده ليه ترخصي نفسك؟ انت غالية قوي قوي قوي وغليتي نفسك. طول الفترة اللي فاتت ليه ترخصيها في الايه؟ في اخر ثلاث - [00:08:55](#)

اخر اربع دقائق وللأسف الشديد بالتجربة كثير من يعني الازواج او الزيجات اللي بتكمل بعد كده احيانا في بعض المشكلات وفي بعض المواقف وبعض الحوارات بيتهمها بالكلام ده ويقول لها انت هتعملي لي بقى فيها شيخة - [00:09:20](#)

وانت هتنسي ايام ما كنا مخطوبين كنا بنعمل ايه؟ ياه على على الجرح ده هتدفعي فيه كم بقى عشان تلمي الجرح ده فاوعي في يوم من الايام ترخصي نفسك وترخصي مشاعرك. مشاعرك غالية انك تقولي لحد انا مهتمة بك انا بحبك انا بحترمك - [00:09:44](#)

ده لفز غالي قوي غالي ويدفع فيه الذهب فمش هترخصيه ببلاش يعني ايه خطيب؟ خطيب ده مش محرم خطير لا وكمان ممكن يقول الخطيب يقول لك انت انت استفتيت شيخ ليه؟ انت كلمت شيخ ليه؟ ما شاء الله انت بقيت محرم كمان وبتتحكم فيها - [00:10:08](#)

لان هي تسأل مين وما تسألش مين؟ نسأل الله السلامة. هو ما زال غريب الامهات اللي تقول الحمد لله اصل هو ما بيكلمهاش الا من تليفوني. يا سلام وهنيجي يزورنا بفضل الله بيبقى قاعدين في الصالة بيبجي يزور حضرتك انت بيبجي الساعة خمسة الساعة ستة كده يعني بيقدد قد ايه يعني من ستة لسبعة لاه طبعا هو بيبجي كل يوم خميس - [00:10:32](#)

وبنسر بقى الليلة بقى عشان يبقى خلاص ليلة الجمعة بقى وكل سنة وحضرتك طيب ونقعد للساعة حداشر واتناشر وفي رواية واحدة واتنين. لا دول مخطوبين ونيجي نقول ايه الحمد لله احنا بناتنا مؤدبة. بناتنا مش عارف ايه. طب هيعرفوا بعض ازاي يا شيخ - [00:10:53](#)

مواضيع كبيرة بقى المهم خلي بالك من الفواتير لان الفواتير هتدفع هو كل اللي فيها بس ان حضرتك وحضرتك ممكن تكونوا فاكيرين ان الموضوع آادي عادي وهيعدي. لا يا جماعة - [00:11:13](#)

صدقوني في فواتير وغالية. واحيانا احيانا ان الموضوع بيتم في حاجات اعماق ما انت تتخيل انت هتتحكم في الدرجة الاولى ان هي تكلمه وهم يكلموا بعض وبتبدأ الحوار ازاي ان احنا في جروب مشترك ماما موجودة ومش عارف ليه دايم ماما ليه بابا ما يكونش موجود مسلا ولا اخوها الكبير؟ لا لازم حد بسهولة - [00:11:31](#)

ما هو برضو هو مش محرم لماما. فتكون ماما موجودة في الجروب وآآ يكون هو موجود واخوه الصغير. اخوها الصغير اللي هو يعني اصلا يعني ممكن نعمل له بلوك براحتنا خالص - [00:11:57](#)

وبعدين بعد شوية ندخل على الخاص عاجبك اللي ماما بتقوله ده على فكرة والله انا ما قصدت اي حاجة تانية فطبعاً عيب لما بيعت لك على الخاص ليست يعني من قلة الزوق انك مش تردي عليه على الخاص بيقول لك شايفة ماما بتقول ايه - [00:12:13](#)

فتروحي تقولي له ما تزعلش هي ما تقصدش طيب عشانك انت والله انا يعلم الله كله يهون عشانك انت. انت اللي فعلاً يعني ايه اللي بتخفني عني ما شاء الله! وبعدين - [00:12:30](#)

وبعدين انت بنلحق بقى الجروب عشان بس ما يفتكروش ان احنا ايه بنتكلم على الخاص ونرجع تاني الله يوقع الجروب العام ازكركم بالصلاة على رسول الله صلى الله عليه وسلم. وعلى الجروب الايه؟ الخاص. نتكلم بقى في الامور الخاصة لان دي خاصة - [00:12:44](#)

التاحية الثانية هنذكر ليلة الجمعة وسورة الكهف والكلام ده وهندي حاجات التدبر وازاي عمو عامل ايه والكلام ده طب والتاحية الثانية هنتكلم في الامور اللي تخصنا احنا الاتنين ما لهمش علاقة بها - [00:12:59](#)

بلاش يا جماعة. آآ بعضكم ممكن تيجوا تقولوا لي على فكرة الحكم الشرعي مش الحكم الشرعي. لأ يا جماعة انا بحكي لكم على واقع انا فيه ليل نهار ليل نهار احنا بنقعد نسمع الكلام ده في مشكلة في فتوى في استشارة في بتاع طب ما يتقفل الباب بقى - [00:13:14](#)

ويتقفل الباب خليكي غالية وما تسمحيش لاي حد يرخصك وعموما الشاب اللي يظل يتكلم معك ويفتح الباب ده قوي ويخليكي تطلعي المشاعر الغالية ديت وتطلعيها صديقي ده شاب آآ لا ارشحك انك تكلمي معه - [00:13:39](#)

هو الموضوع صادم؟ اه هو موضوع صادم لان هو لو كان هيحافز عليك وكنت عنده غالية قوي كان يسيبك غالية فانصح ان ايه ان نوقف الباب ده بقى مش هنقول بقى نعمل ايه تاني يعني. يبقى موضوع الفواتير ده اتكلمنا فيه - [00:14:06](#)

اه رؤية. طب احنا عاوزين نعرف بعض ما فيش مشكلة رغم ان احنا احيانا نطبخ مخطوبين بقى لنا سنة ونص. ويوميا واسبوعيا فيه زيارة ويوميا فيه مكالمات. ولسه بنعرف بعض. انا مش عارف يعني ايه اللي يحصل - [00:14:30](#)

وساعتها نقول احنا كده بقى الحمد لله اعرفنا بعض. هل مسلا ممكن بعد ست سنين هل مسلا بيكون في اه مستوى معين هدف معين لو اتكلمنا ستمية اتنين واربعين ساعة كده يبقى الحمد لله كده عرفنا بعض اه ستمية واحد واربعين ساعة - [00:14:44](#)

هتبقى باقي ساعة عشان نقفل الايه العرض يعني. فانا ما اعرفش نعرف بعض ديت ايه الحد بتاعها في وسائل كتير جدا سهل ان احنا نعرف بعض بيها ووسائل منضبطة ومحترمة وليست فيها تعدي شرعي - [00:15:00](#)

يبقى قلنا باب التوب مفتوح ناخذ بالناس من مقالات القرارات او الاعمال اللي احنا بناخذها النهاردة وندرك ان في فواتير هتدفع من الحاجات المهمة قوي من الحلول لا تقربا لا تقربا - [00:15:18](#)

في حد بيسأل موضوع المعرفة انا هقول لكم على حاجة وممكن تتخضوا منها سيبقى هناك مربع عند الزوج ومربع عند الزوجة لن يعرف الا بالزواج في مربع لن يعرف الا بكتب الكتاب بالعقد. وفيه مربعين وفيه رواية تلاتة مش هيتعرفوا الا بالزواج - [00:15:39](#)

فانسي ان حضرتك هتجيبه. طول ما احنا في مرحلة الخطوبة انت قاعد معك ابن تيمية. وطبعاً انت ايه؟ ام سلمة لانكم في الحنة

ديت لابسبين القناعات خلاص ويتصل في وقت معين والله ما انا كنت باقيم الليل وانت تتصلي به ما علش كنت باحضر درس علم وهندخل في حوارات كده في الفترة ديت. بعد كده بندخل بقى في حوارات - [00:16:05](#)

دي حاجة تانية خالص بتفاجئ ان هو ما بيصليش العشاء اصلا. اللي كان بيقيم الليل وبيراجع ورده ده طول اليوم. فهنخش في حوارات فصدقوني هناك اشياء لم تعرف الا بدع. طيب الباقي نعرفه بقى يعني ليس هذا محله ما نقلبش الموضوع مقبلين -

[00:16:29](#)

على الزواج تعالوا لنا بقى في امومة وتعرفوه ان شاء الله يبقى الحل الاشياء الثالثة او الخطوة الثالثة الا تقربا. يعني ايه لا تقربا كلما زاد الخطر كلما زادت الحوارات. صح كده؟ يعني اما لو انت ماشي كده تلاقى ان في في اليومين دول مسلا الناس اللي بتروح

الشواطى في - [00:16:49](#)

خطر عند مكان معين فتلاقي ان في حوارات وان في حد تحزير وعاملين لك الراهية الحمرا ويرفعها وواحد بيصفر وواحد بيبعدا ليه؟

لان فيه خطر هنا فكلما زاد الخطر كلما زادت الحوارات يقول لك ممنوع الاقتراب - [00:17:10](#)

عندنا اه كشك كهربا كبير قوي. يقول لك في حاجز ضخمة. طب عندنا مفاعل نووي خمسة ستة كيلو بعيد. ليه؟ لان ده مشكلته لو حصل اي انفجار هيبعد كل المنطقة اللي حواليه فلازم يبعد تماما الموضوع ده. الزنب له قوة انفجار من قوة انفجاره اخرجك -

[00:17:26](#)

ادم هل كان النبي صلى الله عليه وسلم يقول من سمع بالدجال يعمل ايه؟ يروح يناظره ويتابع انت كده ويشوف الشبهات. قال لك لا فلينأى عنه. ابعد رغم ان النبي صلى الله عليه وسلم اخبرنا بالعلامات قال بين عينيه مكتوب ان هو كافر صح؟ واحد يقول لك لا لا ما تخافش علي يا شيخ انا ممكن اعرف اقرأ وبتاع - [00:17:46](#)

الكلام ده كله اه بلاش تستقوى وتخلي نفسك عامل لي فيها اه يعني الوحش وانا بقى ايه؟ لا يا جماعة قاعدة من القواعد برضو قدام

الفتنة ما فيش حد كبير - [00:18:09](#)

قدام الفتنة ما فيش حد كبير. على فكرة انا عاوز اعرفك بنفسي. انا محمد الكبير. والله يا محمد لهتبقى كبير ولا هتبقى اي حاجة.

هتبقى انسان مسكين في وقت الجد. فبلاش ايه لان الله سبحانه وتعالى لما ذكر الشهوات في القرآن قال اخلق الانسان ضعيفا -

[00:18:25](#)

فذكر ضاعف الانسان قدام فتنة الشهوات. انت في وقت الجد هتضعف. تيجي بقى تقول لي اصل انا وانا نعم لا تفتح انك انت فتحت

لبنة تلاقى صفحة كده تقول لك آآ مش عارف ايه هي تخطي الاعلانات وكليك هير. تيجي تضغط هنا خلي بالك وايحك - [00:18:45](#)

انت افتحت آآ رقص اسلامي بلا موسيقى تبس يلا رقص اسلامي بلا موسيقى وبعدين تدخل على رقص اسلامي بلا موسيقى

وبعدين ايه مش عارف ايه رقص معلمة مش عارف الايه. ويحك لا تفتح انت افتح - [00:19:11](#)

هتدخل في حوارات تانية خالص فالانسان كما قال النبي صلى الله عليه وسلم يوشك ان ترعى فيه. فانتبه. واحنا اتفقنا والله سبحانه

وتعالى اخبرنا وحزنا ليس من الشيطان ولكن من خطوات الشيطان - [00:19:33](#)

فدايما تسأل نفسك وخلي بالكم يا جماعة الشيطان بيفتح لك تسعة وتسعين بابا من الخير وهو يخبى لك بابا من الشر يدريك من تسعة

وتسعين باب من الخير. خل بالك باباها مسافر - [00:19:56](#)

خلي بالك اخواتها مش موجودين اتق الله ان هي في الجامعة دلوقتي لوحدها مش لاقى حد يوصلها وعلى فكرة بنت خالتها يتيمة.

طب ايه علاقة بنت خالتها بها؟ مش مهم. المهم يعني اسمع بس الكلام. يعدد لك وعلى فكرة خطها وحش - [00:20:14](#)

وهي ما بتعرفش تسمع المحاضرة وفي نفس الوقت تكتب وآآ الولاد اللي بيكتبوا ورا الدكتور اخلاقهم مش كويسة. انت الوحيد

المصلي. وهي الوحي. على فكرة مش مش بتسقى في اي حد من الشباب الا انت. فقعد يذكرك له تسعة وتسعين باب من الخير -

[00:20:34](#)

ظاهرا طبعا. عشان ايه؟ يخبى له هذا الامر نسأل الله العفو والعافية من الاشياء المهمة قوي والقواعد المهمة انك تدرك ان ما من

خلاص اه بس شرط يا رب انا هتركها اهو في الحرام اه تجيبها لي في الحلال - [00:26:42](#)

نسأل الله العفو والعافية. لا تشتت على ربك اذا تركت فسيعوضك الله خيرا منها. لأنا عاوزها هي عشان هي الخير اكيد ده قلة ادب وسوء ادب مع الله سبحانه وتعالى. اللي يعمل كده - [00:27:01](#)

وده انت كده اللي بيفكر بالطريقة دي بيكون منطلق من حاجات منها ان الله ليس عنده العلم الشامل. فلا يعلم ما الذي يفيدني اكثر. وبالتالي انا عارف في ان هي هتفيدني والله لا يعلم - [00:27:20](#)

هو طبعا ما بيقولش كده بس ده مآلات الحاجة ديت. اتنين ان الرب ليست له الحكمة البالغة ربنا ما لوش الحكمة البالغة ليه؟ لان الحكمة تقتضي ان البنت دي تكون من نصيبي - [00:27:37](#)

وهكذا فهو نسأل الله العفو والعافية. لما غاب عنه هذا الامر فبدأ يشترط على الله سبحانه وتعالى ويقول لك اصل انا عندي حسن زن بالله ان هو هيجوزني البنت دي. ده مش اسمه حسن زن بالله - [00:27:54](#)

ده اسمه جهل بالله امال ايه هو حسن الزن؟ حسن الزن انك تزني ان الله لن يقدر عليك الا الخير لكن ان حسن الزن معناه ان انا مش هزاكر وهنجح - [00:28:10](#)

لا ده مش اسمه حسن ظن ده اسمه كأنك بتقول انا مش هزاكر. خلاص؟ ويجب عليك يا رب ان تقدر علي ان انا انجح ده اسمه انت كده آآ يعني - [00:28:29](#)

كانك والعياذ بالله آآ تتعامل مع الله تعامل للايه؟ آآ الله يعلم وانا اعلم احنا حتى في الاستخارة تقول انت تعلم وانا لا اعلم يعني انت معترف بجهلك من الاشياء المهمة قوي في طريق المغتسل البارد وانت راجع لان وانت راجع سبحان الله هتلاقيه مغتسل بارد وشراب. طول الطريق وانت راجع لربنا يا جماعة - [00:28:45](#)

اه السعادة السعادة ما فيش طريق بيوديك للسعادة. لأ السعادة نفسها هي طريق يعني ما فيش طريق نهايته السعادة لأ هو فيه شارع لو دخلته هو ده السعادة. هو ده تغيير المغتسل البارد والشراب. هو ده طريق العودة - [00:29:13](#)

الى الله سبحانه وتعالى من الحلول ومن الارشادات انك تدرك ان المرء مع من احب يوم القيامة بدون ما حد يسمعني ويسمعك واحنا بنتكلم بهدوء كده انت يسرك انك تتحشر معها يوم القيامة - [00:29:32](#)

كان في شاب بيقول لي انا بحب فلانة جدا وبتاع ومش عارف ايه وحصل تجاوزات معينة كده في الخطوبة وبتاع فانا بقول له ايه في الباب ده؟ قال لي اصل مش هينفع وبتاع فانا رحنت قلت له كلمة - [00:29:52](#)

فانا هسألك سؤال. قال لي اصل هي كويسة قوي ومؤدبة قوي وبتاع. قلت له جميل. يسرك يوم القيامة انك تحشر مع قال لي ليه الاحراج ده بقى الطرق الاحراجية النبي صلى الله عليه وسلم اللي قال لنا المرء مع من احب - [00:30:02](#)

انا بقول لك بما انك تحبها انا بقول لك خلي بالك انك هتتحشر معها قال لي ان شاء الله يعني هتكون كويسة. قلت له يبقى هي دلوقتي ايه يا جماعة ما تصنفوش الناس بدماعكم - [00:30:17](#)

ربنا لم يدع للعقول بتاعتنا هي اللي تصنف الناس. انا مش هصنّفك عشان شهادتك وعلشان غناك. ان اكرمكم عند الله ايه اجملكم وفي رواية اصغركم سنا وفي رواية اكثركم مالا. صح؟ كل الكلام ده مش صحيح. ان اكرمكم عند الله اتقاكم - [00:30:30](#)

هو ده اللي ربنا بيحبه هو ده المعزم عند الله. فيكون معظم عندي انا من الاشياء المهمة جدا في طريق المغتسل البارد وطريق العودة الى الله اذا تركت فاترك لله لا لشيء اخر - [00:30:52](#)

لأ معلش دي بقى اشرحها لي واحدة سابت خطيبها. ليه؟ اصل كرامتي اتهانت كرامتك اتهانت؟ اه يعني مش سيبتيه عشان ربنا آآ سابت الكلام معه وان الشات اللي معه. ليه؟ لان كرامتها اتهانت لما اخر مرة زعق لها - [00:31:13](#)

مم يعني انت بقى تركتي الحاجة دي؟ اه خلي بالكم فيه ناس كتير تاركة الزنب ليس بصوا يا جماعة ترك الزنب ليس توبة ترك الذنب ليس توبة التوبة منها ترك الزنب - [00:31:36](#)

تاني ولا مفهومة التوبة دي ثلاث اربع خطوات منها خطوة اسمها ترك الذنب يعني هو في واحد ما بيكلمش بنت. ليه؟ لانها غيرت الرقم

بتاعها لان باباه كشف الموضوع لان سمعتي بين اصدقائي في الجامعة بقت شكلها وحش قوي - [00:31:59](#)
اه يعني احنا ما تركناش لله بقى احنا تركنا عشان ايه؟ السمعة احنا تركنا عشان الفضيحة اصل هيتقال علي لا شك ولا بأس ان الدرجة دي ممكن نستعملها ان احنا ناخذ اول طريق التوبة. يعني في واحد عاوز يتوب بس مش قادر - [00:32:30](#)
ممكن تزكره بهذا الامر ممكن تزكره بهذا الامر واصل الموضوع يعني في واحدة بنت بتكلم آآ راجل وهي متجوزة وبتاع والكلام ده كله او مكتوب كتابها وتكلم حد برة الدائرة ده المحرامية - [00:32:51](#)

الله حطيت فضحي ولا هيبقى شكلك عامل ازاي وانت كده خلاص فرحك كل اسبوعين ثلاثة هتعملي ايه؟ يا اخت هارون هو ده الملمح لما قالوا لها كده قالوا لها خلي بالك انت مش من الاسرة اللي تعمل العيبة دي. فمن ضمن الحاجات اللي يذكر بها الانسان - [00:33:08](#)

المتلبس بالعصيان ان ممكن يزكره بعقوبات وافات وفاتورة من فوق فواتير عدم الترك. لكن ما يزلش ان دايمه هو سايب فقط آآ لامور ليست لله سبحانه وتعالى اه من المهم برضو - [00:33:31](#)

ان الواحد في الحلول ان يعني اللي ياخذها ويهتم بها وهو قتل الفراغ تعنيه الفراغ انك ما تكونش فاضي فاذا فرغت فانصب. الالية دي في سورة ايه؟ سورة تقريبا كل المسلمين حافزينها. او المفترض يكونوا حافزينها. سورة ايه - [00:33:58](#)
الشرح ودي من اسباب انشراح الصدر الالية دي من من اسباب انشراح الصدر الا تكون فارغا فاذا فرغت فانصب كلما كان لديك وقت فراغ فانصب يعني اشغل نفسك بحاجة تانية - [00:34:21](#)

مش هقدر يا شيخ يعني ايه يعني اخلص سورة التوبة ادخل في الانفال اخلص الانفال اراجع الاعراض يعني انت حضرتك موديني فين؟ لا انا ما اقصدهش كده ما اقصدهش ان الفراغ هنا او انك انك دايمه في عبادة الالية؟ عبادها اللي بالمفهوم العام العرفي - [00:34:44](#)

لكن زي ما انت مشغول خلصتي حضرتك وردك القرآن قومي حضرتك العبي مع ولادك. ده نوع من انواع ليه؟ لانك مشغولة خلصتي آآ حضرتك اتعلمي مهارة معينة في التزيين مهارة معينة في الكتابة على مش عارف الزخارف وبتاع اتعلمي حاجة مهارية تنفعك - [00:35:03](#)

انزلي زوري حد من صلة من ارحامك اعلمي حاجة لجارتك هدية آآ دايمه مشغولة حضرتك ما عندكيش وقت كان السلف بيقلوا كلمة جميلة قوي يقول لك فلان لا يجد وقتا ان يعصي الله - [00:35:23](#)

يقول لك حتى لو هو عاوز يعصي ربنا ما عندوش وقت فده معنى مهم قوي معظم الامهات اللي بتشتكي من اولادهم الشباب اللي بيعملوا حاجات غلط. بنقول لهم ايه؟ ارموهم في رياضيات خليه يعني - [00:35:38](#)
فاشغليه حتى لو كرة قدم معلش ما فيش مشكلة كممارسة اكثر من مشاهدة. اشغليه نزليه سباحة ونزليه مش عارف ايه عاوز يروح الجيم يكون نوعا ما ما فيهبوش اشكالات على قد ما تقدري. لو تقدري تجيبي بعض الادوات اللي يعملها في البيت اسقال وبتاع وعقلة والكلام ده - [00:35:52](#)

اشغليه آآ دبسيه في حاجات فيها تطوع سواء تطوع آآ يعني رسالي او تطوع غير رسالي. خلي المعاني دي مهمة اوي اعلمي مشاريع وخليه هو يتبناها كل يوم خميس احنا بنعمل خمس ست عشر وجبات. آآ عاوزك تنزل تديها للايتام اللي جنبنا تديها - [00:36:12](#)
بوابين تديها لكزا تعمل اي حاجة آآ عاوزك كل يوم اتنين وخميس في طبق تمر تنزل توزعه على مسجدتين ثلاثة. المهم دايمه انا شاغله وانا بالتالي مشغول لان الفراغ يا جماعة قاتل لكن مهم قوي في حاجة كمان في موضوع الفراغ ده عاوز اقولها لحضراتكم. ان الفراغ اللي انا بخاف منه - [00:36:34](#)

واكثر الفراغ الذهني يعني انا ممكن جسديا مشغولة لكن زهني فاضية ودي من اكثر الحاجات الاخطاء اللي بتقع فيها النساء في بيوتها. بتكون هي مشغولة بالمطبخ ومش عارف ايه والكلام ده كله. لكن الدماغ فاضية - [00:36:56](#)
الفراغ الذهني قاتل الفراغ الذهني قاتلك لازم تكون فيه حاجات شاغلة حضرتك فمن ضمن الحاجات يكون شاغلاكي مشاريع عندي

مشروع ان انا بجمع آآ عندي مسلا ولاد في سن حداشر سنة اتناشر سنة. فقاعدة بقى بشغل كل - [00:37:15](#)

الاسئلة اللي بتتعلق بالمراهقة فقعد ايه دايم ايه اسمع حاجات عن المراهقة وبادون في الكشكول بتاعي ففي حاجة دايم اياها شاغلاني زهنا جميل اتعلم بقى اتعلم اي حاجة اساعد والدتي في البيت اتعلم حاجة تصميم اتعلم برمجة اتعلم اي حاجة اشارك مع الجمعية خيرية غير مختصة - [00:37:34](#)

ماشي غير مختلطة مش مش الشيخ فاكرين يوم ما كان بيتكلم في مغتسل بارد وقال جمعية خيرية اه انا جاية بقى لا لا لا تروحي جمعية غير مختلطة. آآ اعلمي آآ قناة على اليوتيوب بتاعتك - [00:37:57](#)

واطلع فيها بقى وشيخ وكده وان شاء الله هطلع بحجابي وبحجابي انا اجمل وكده لا لا بحجابك اجمل ولا بينقبضك اشمل. كل هالموضوع القناة بتاعتك هتكون هادفة حضرتك بتسمعي محاضرات كتير بتسمعي اي حاجة قطعي منها تعلمي ازاى تقطعي من الفيديوهات - [00:38:14](#)

وترفعي وتعلمي اعلانات خاصة بالايه؟ يعني عناوين خاصة باللي انت قطعته. يعني انا سمعت محاضرة اه في تربية الاولاد. فقال كلمة جميلة قوي في ازاى لو ابنك عنيد تتعلمي معه؟ خدي المقطع ده اقطعيه من المحاضرة وارفعيه. التعامل مع الطفل العنيد. في قناة قرة العين بتاعة الاستاذة - [00:38:30](#)

لا هتلاقي بعد سبع تمن تسع عشر شهر ما شاء الله لا قوة الا بالله عندك اسر قبل الرحيل عندك قناة خاصة بك فيها اكثر من مبيت مقطع كل المقطع ده - [00:38:50](#)

يكون في الاخر خالص ايه فيه فوايد تنشرها على قناة تليجرام تنشرها على جروب العيلة يستفيدوا منها وتكوني مشغولة بحاجة.

حاجة بقى في اي كل واحد لكن قاعدة القواعد او مع الحاجة المهمة يعني ان الفراغ رأس كل خطيئة. الفراغ رأس - [00:39:05](#)
كل خطيئة من الحاجات المهمة قوي ان الهجوم خير وسيلة للدفاع حتى الجماعة اللي بيلعبوا كورة ان انتم اما يقول لك احنا هندنا ندافع لغاية امتي؟ لأ عاوزين نهاجم. اه ولزلك اتت الشريعة بفكرة في غاية النفاسة والعبقرية - [00:39:28](#)

والايجابية في المجتمع انك تكون انسان ايجابي من الدرجة الاولى انسان يعني يفتخر بك الوطن واهله انك تكون انسان لك بصمة مجتمعية وهو الامر معروف انها منكر. عشان كده كنتم خير امة. اخريت للناس. ايه؟ دايم ايه هو ايه؟ اي حاجة فيها خير تلاقيه منشارك - [00:39:52](#)

يكفيها ويأمر فيها يشوف حاجة خير يعضد ويعزز الفكرة ديت. في منكر ينصح الناس فيه. فيكسر الحواجز الوهمية اللي بينه وبين الكلام مع الناس انت النهاردة لما في بنت متبرجة زميلتك في الجامعة - [00:40:11](#)

لما البنت المتبرجة ديت وهي خمسة ستة معك في الفصل في تالته سانوي ولا في الجامعة وانت عمرك ما بتكلمهم بطريقة منضبطة وتتكلمي معهم وتتعلمي ازاى تتكلمي معهم وتنصحيهم. بلا علو لا بالحسنى كما آآ قال الله سبحانه وتعالى - [00:40:28](#)

وتزكريهم بالله سبحانه وتعالى هتلاقي في يوم من الايام هم اللي بيواجهوكي هتلاقيه في يوم من الايام هو انت عاملة في نفسك كده ليه؟ اه ليه هم هاجموا وبدأوا يدعوكي لترك الطاعة؟ لان انت حضرتك اخترت موطن الدفاع - [00:40:50](#)

فبقيت ايه يعني لقمة سهلة لهم ان هم يهاجموا عليها فالباب ده مهم جدا جدا من الاشياء المهمة قوي القرآن ثم القرآن ثم القرآن.

لنثبت به فؤادك لازم يكون لك علاقة مع القرآن. على فكرة انا بحفظ قرآن. جميل. بس انا عاوز علاقة صحية - [00:41:06](#)

اكثر من مجرد اللي انا بحفظ الحروف وخلص لأ يبقى فيه علاقة صحية انا يوميا بقرا حاجة في القرآن بقرا نص صفحة بقرا صفحة اللي ربنا يفتح علي فيه بقرا جزء بقرا نص جزء اللي ربنا يفتح علي به - [00:41:33](#)

يبقى فيه صحية فيه علاقة بينه وبين القرآن. في يوم من الايام اقعد انا وزمايلي ونسمع سلسلة عن قصص القرآن. ندخل برامج تتعلق بالقرآن ان القرآن كل اصحابك هيسيبوكي كل اصحابك هيسيبوكي في الدنيا - [00:41:47](#)

وايه اللي هيسيبك عشان هتتجوز واللي هتسببك عشان مرة في يوم من الايام زعلت منك. وحتى لو جت هتعيط لغاية قبرك هتسببها عشان هتخش قبرك. لكن القرآن صاحبك القواعد. مش هيسببك في قبرك ولا هيسببك وانت طالعة من امرك. ولا هيسببك

لغاية ما يدخلك النبي صلى الله عليه وسلم يقول في الحديث - [00:42:03](#)

اقرأ وارثي فان منزلتك عند اخر اية كنت تقرأها. فالقرآن وبينزل القرآن انه يبصر فك عن البيئة الوحشة واذا قرأت القرآن جعلنا بينك وبين الذين لا يؤمنون بالآخرة حجابا حجابا مستورا ان يبصر فك عن البيئة الوحشة دي. من الحاجات المهمة قوي - [00:42:23](#)

احترم لحزات ضعفك. وده اتكلمنا فيه من شوية احترم لحزات ضعفك وهو في مواقع وفي اماكن تواصل وفي اشياء الداخل فيها مفقود والعائد منها مولود فلو دخلت غالبا مش هتطلع - [00:42:44](#)

الداخل خلاص مسلسل برمودا. فهتخش بتختفي. الرادار مش جايبك فبلاش بقى يتقاوم يعني اه ما تسيبش الابواب متواربة بلاش تسيب الباب متوارب يعني ايه؟ هم كانوا في ارتباط بينه وبينها او اه بينه وبين زميله. زميله ده اللي قاعد كل شوية بيعلمه ازاى يلف

السيجارة والكلام ده - [00:43:09](#)

ويضع فيها ايه؟ آ ما عفن وما خبث. مش ما لز وطاب فزميله ده للاسف الشديد مش عاوز يحسم معه. فاه احنا بنلعب مع بعض كورة وبتاع بس انا مش هعوزه عشان ما ينفرش مني وينفر من اهل - [00:43:40](#)

الاستقامة والكلام ده كله. هو كده كده هينفر منك. وانت هتنفر منه. لو كملته في الطريق ده ويوم القيامة يلعن بعضكم بعضا. يبجي يوم القيامة خلاص كلما دخلت امة لعنة اختها - [00:43:57](#)

الكل هيفر والكل هيصرخ والكل هيقول يا رب آ ده اللي دخلني المكان ده وده اللي كان السبب في المشكلة اللي انا فيها ديت ويا رب كذا ويا رب كذا ويا رب كذا المعنى ده عميق جدا ان الانسان ينتبه له. ان يوم القيامة لأ الموضوع هيبقى - [00:44:13](#)

يعني صعب صعب عشان كده يقولوا ايه انا اطعنا سادتنا وكبراءنا فاضلونا السبيل. هيقولوا ربنا اتهم ضعفين من العذاب والعنهم لعنة كبيرا نسأل الله العفو والعافية فانتهوا ان تسيبوا - [00:44:34](#)

وما تسيبش الباب متوارب واحد كان بيكلم واحدة وقرروا ان هم خلاص بقى احنا ما نعملش حاجة غلط. وآ ان شاء الله انا لو صادق وربنا يبسر الامور هاجي اتقدم لك. طيب نعمل ايه بقى - [00:44:58](#)

آ الكلام بينا وبين بعض هيكون خاص بالجامعة بس. ده الباب متوارب كده ده كده الباب متوارب ما تسيبش باب متوارق خلاص انت قفلت الباب صح وقلت الجملة الصحيحة خلاص تقفله صح بقى. من الحاجات المهمة قوي في المغتسل البارد البيئة الصالحة. البيئة

الصالحة. دور على حملة المسك - [00:45:12](#)

لو ما خدتش منهم العطر هتشم ريحة كويسة ايه اللي خلى ابو طالب في جهنم عمي النبي كان راجل يعني كويس مع رسول الله كان بيحبه ايه اللي خلى ده - [00:45:38](#)

ايه اللي وقع ابو طالب؟ ان هو زل مع الصحبة القديمة ظل مع الصحبة القديمة حتى وهو بيموت النبي صلى الله عليه وسلم دعاه الى الطاعة والى التوحيد وهم انه يقولها - [00:45:55](#)

لكن ابو جهل ده نقول له انت هتروح فين؟ على ملة ابن المطلب. سبحان الله فالبيئة حتشكك ومشكلة يا جماعة البعض بيبقى فاكر يقولك لأ انا صحابي الحمد لله ما تقلقش منهم. يا حبيب قلبي يا سكر - [00:46:09](#)

التأسير غير ملحوز مش هتاخذ بالك منه عامل زي الكورونا بالزبط مش هتلقطه الا بعد ما تكح وتبدأ تقول الله هي جت لكن هي هتكون معك ثلاث اربع تيام اربع خمس ايام قبل الايه؟ الشعور ده - [00:46:26](#)

وهو نفس الكلام تأسير الصحبة بيكون العدوى بتنتقل منهم بطريقة غير مباشرة هو انت فاكرة انك هتنتبهي على طول وتاخدي القرار لأه طبعا. هتكوني اتخدشتي من الاشياء المهمة قوي خد الدواء حتى النهاية - [00:46:44](#)

خد الدواء حتى النهاية يعني ايه الكلام ده اللي عنده مرض مزمن بدنه يتعالج يوميا بياخد دواء الضغط على طول بياخد دواء مش عارف السكر على طول ربنا يشفي جميع مرضى المسلمين - [00:47:14](#)

اللي عنده معاصي سر لازم ياخذ الدواء على طول لازم تبقى انت دايمًا بتاخذ الدواء على طول. مش هاقول لك بقى انا عملت ايه؟ انا عملت الطاعة دي مرة هاعمل ايه تاني؟ لا - [00:47:29](#)

لازم تكمل آآ من الاشياء احزف الهارد ديسك اللي بداخلك يعني ايه؟ يعني انت سبتها اه تعالى بقى نشيل الحاجات ديت اعمل اه مسح للشاة مش هقدر يا شيخ. ليه؟ مش انت ما خلاص يا شيخ مش احنا سبناها - [00:47:42](#)

ايوة يا حبيب قلبي بس عاوزين نحزف الهارد ده مم مش هينفع مش هينفع ليه دي زكريات الماضي. ما هي الزكريات دي احزفها عشان لا تزاحم الحسنات لان كل ما ذكرت الذكرى دي اذكرك بها تقول لك ياه فاكر اللقطة ديت قايلها لك امتى عارف السطر ده قايلها لك كده وانت على الكورنيش بعنتها لك في الحنة دي - [00:48:05](#)

هتتذكر الايام ده وبعدين بعد شوية تروح اما تلاقي فاكرة اللقطة ديت ؟ انا والله ما عاوزين نرجع للكلام بس انا سبحان الله تزكرت الموضوع ده. احزف كل الخواطر والزكريات زكريات الماضي قطع - [00:48:32](#)

قطاعة مش هقدر عشان كده من اشياء التعامل بحسم بحسم عند الفوقان. احيانا بتلاقي نفسك فقت في وقت كده على طول اقطع ومن الاشياء المهمة وهي تتبع هذا الامر قارن يا جماعة بين همتك في الماضي وهمتك في الحديس. همتك ايام ما كنت في الطاعة وهمتك ايام ما كنت في المعصية. همتك في المعصية تنزل - [00:48:49](#)

للساعة اتنين بالليل في الشتا وقاعد عمال تلف على اقرب كشك سجائر عشان تجيب منه وانت واقفة قدام المراية تلت ساعات عشرين نوع مكياج واموال وصبغات شعر. كل ده عشان تفتني شباب المسلمين - [00:49:10](#)

على فكرة مش بفكر في الفتنة. اه طبعا انت مش بتفكري هو الشيطان اللي حاطط البرنامج؟ انت حضرتك بس بتنفضي. اه همتك قاعد تتعرف ست شهور على صاحب صاحب صاحبها - [00:49:25](#)

الباب ده خطير قاعد وتلعب فاكر همتك وقوتك وانت بتحاول تعمل دبل كيك وانت بتلعب كورة قدامهم يعني عشان وتنزل تتكسر على رقبتك كل ده عشان ايه بنت معدية تمشي خمسين مرة وفي رواية سبعين مرة في الشارع بتاعها لعلها وهي ايه بتبص من البلكونة النهاردة ولا باباها بيركن العربية تلمح لقطه - [00:49:38](#)

مش الحاجات دي كلها كانت بتحصل وتنزل الساعة اتنين بالليل منطقة في غاية الخطورة وقاعد تنور الكشاف بتاعك وتشوف بالليزر وقاعد تتعرض للمخاطرة وكميم ينزلك ويفتشك وانت عين حشيش مش عارف فين والمخدرات فين - [00:50:03](#)

واقف معها ست ساعات في الجامعة منهم ساعتين في عز الحر وبتكمل بالليل اربع ساعات عشان فودافون اداكم ايه؟ الباقية مجاني كل ده الهمة دي ومش قادر تحضر درس ساعة وتقول له طولت ومش قادرة تحضري - [00:50:22](#)

حلقة تلاوة او انك تنفقي من ما لك ميت جنيه عذابي فيك عزب وبعدي فيك قرب. انت عندي كروحي بل انت منها احب حسبي من الحب اني لما تحب احبه - [00:50:41](#)

المعنى ده مهم من الاشياء ان ايشا اللي احنا عاوزين ندرکها ان ما عند الله لا ينال الا بطاعة الله السعادة عند ربنا من زواج عند ربنا. طب والمال؟ من عند ربنا. حتى الراحة النفسية يا شيخ؟ اه الراحة النفسية من عند ربنا - [00:50:58](#)

فمش هتغيري اسم العريس اللي مكتوب لك قبل خلق السماوات والارض بكسرة المكياج بتاعك ولا بعطرك ولا بترك حجاب امهات المؤمنين. والله ما هتغيري العريس الا مكتوب لك فسلكي فوق عشان تسلك تحت - [00:51:23](#)

اه من الاشياء المهم قوي نزع اللغام انزع اللغام زي في الغام في القلب هي اللي بتورطك كل شوية. منها مسلا اللغم بتاع الشهرة انت حابب انك دايمًا تاخذ الايه؟ الشغل. فعاوز اللايكات دايمًا حواليك الصورة انت احلى بنقابك انت احلى بحجابك - [00:51:46](#)

وانت احلى وانا مش عارف ليه هم احلى يا جماعة اي واحدة بتنتقد ولا بتتجنب؟ على فكرة مش احلى ولا حاجة هي احلى ايمانية لكن جسديا خلاص لو انتم احلى بالنقاب خش على - [00:52:11](#)

زوجك وقولي له مش هقلع نقابي لان انا احلى بنقابي. ما حدش هيقبل كده فبلاش فكرة الايه الوهم ان احنا نصدرها احيانا لأ احنا احلى بالجمال الباطن لان الجمال هو - [00:52:21](#)

باء من ذي الجلال هبة من الله سبحانه وتعالى ويكسوني جمالا الله سبحانه وتعالى كلما كنت منضبطة على ما يريد لا على ما اريد فانزعوا اللغام لغم الشهوة ده او الشهرة دي والحاجات دي هي دي اللي ممكن تبقى الكمين او ده الحبوب ان الراجل اللي بيصطاد -

الطائر بيحطها له ده الفخ. فتلاقي ان الشهرة هي اللي دايمًا تجيبك هنا آآ حب انك تزهق قدام زميلك في حاجة هي دي اللي تجيبك هنا. فانزع اللغم ده من قلبك عشان ترتاح - [00:53:00](#)

من الاشياء الدعاء ثم الدعاء لما تقول له يا رب سبت قلبي على دينك آآ لا تكلم نفسي طرفة عين انا مقدرش يا رب انا مقدرش عالكلام ده - [00:53:17](#)

وانك دائما تستعين بالله سبحانه وتعالى اولًا واخره والا تصرف عني كيدهن اصبو اليهن ميزة يوسف كان في غاية الاعتراف الشفافية يعني يوسف كان ممكن يقول لربنا ايه؟ ويا رب آآ ابعده عني النسوة. بس وخلص لكن لأ يقول له يا رب انا هضيع انا هعمل مشاكل -

لو لو تركتني انا في شفافية عالية قوي مع الله سبحانه وتعالى المعنى ده مهم جدا الصحبة ثم الصحبة ثم الصحبة. الرجل على دين خليله فليظن احدكم من يخالل وهسألك سؤال وهسألك سؤال هل حبك لصاحبك البعيد عن ربنا اكبر من رغبتك في القرب من ربنا -

انا عارف طبعا انك مسلم بتحب ربنا وعمرك ما هتقول لي اه اكبر. بس اوعى تخلي الواقع يقول اه اكبر من الاشياء اللي وقع في

الحاجات الغلط يحط برنامج مانع للمواقع والحاجات الايه؟ الخطأ - [00:54:28](#)

واحط كلمة سر في ونسخها حط كلمة سر كده ايه عشوائية. خلاص؟ يعني اكتب كده كلمة كده كبيرة قوي كده. ماشي وفيها مش

عارف ايه وفيها لخبط جامد. والكلمة دي رح عامها كوبي تنزخها وتروح حاططها في ايه؟ في البرنامج ده - [00:54:43](#)

وتروح مدمري الورد ده. بس خلاص طبعا انت لو عاوز يبقى انت لو عاوز تبعد من الحاجات المهمة قوي انك تتأكد انك هتموت ايه ده

بقي الكلام ده بقى؟ يعني ايه يعني ايه الكلام ده؟ ايوه والله انت هتموت - [00:55:04](#)

على فكرة لما عارف ان انا هموت ايوه بس انا لازم اقول لك انك هتموت الناس نيام فاذا ماتوا انتبهوا واقرأ عن النار ان اهل النار لا

يكون حتى لو اجريت السفن في دموعهم لجزت وانهم ليكون الدم. اقرأ اقرأ على النار يمكن - [00:55:26](#)

تجيبك. النار اللي انت شايفها في الدنيا دي ناركم هذه مما يوقد بنو ادم جزء واحد من سبعين جزء من نار جهنم النار اللي انت

شايفها دي انا واحد مرة قال لي والله العزيم لو جهنم - [00:55:50](#)

لو جهنم عبارة عن انك تركب عربية اخر موديل بس بلا تكييف اقسام بالله لكفى عذابا حاول كده تسبب عربيتك في الشمس خلاص

وتكون موديل عشرين واحد وعشرين. وتطلع تركبها - [00:56:06](#)

والله كنا من يومين ثلاثة كده في مشوار وسايبين العربية برة جينا نركب الاخ ما شغلش التكييف شوية قبل ما نركب جينا نركب

الواحد حسان ايه ده؟ ايه ده؟ فين؟ اللهم اجرنا من النار - [00:56:26](#)

انت لو النور قطع دلوقتي ممكن يعني تصرخ في الشارع وتمشي في الشارع فالنار دي اللي احنا شايفينها دي في الدنيا دي جزء من

سبعين جزء من نار الدنيا الاخرة. هتستحملكها عشان مش عاوزة تسيبي فلان - [00:56:43](#)

زور المقابر واسمع دروس عن الموت والدار الاخرة اني اخاف ان عصيت ربي كما قال النبي فاسمع الثلاثة من الحاجات المهمة قوي

اقرأ عن الجنة طبعا رعبتني اروح اقرأ عن الجنة؟ اه اقرأ عن الجنة. انا بقول لك انا مرعوب. انت لعبتني بالكلام اللي انت قلته ده. انا

لعبتك ليه؟ هو انت من الناس اللي بعيدة عن ربنا - [00:57:02](#)

لأه طبعا الحمد لله ان الناس قريبة فاقراً عن الجنة اعرف لي عشان اما تيجي تعمل زنب ومن الزنوب الكبيرة بالزوات ومكمل فيه تزكر

نفسك ان الجنة دي هتضيع منك - [00:57:28](#)

شايف الجمال اللي انت قرأته ده هيتضيع منك. فما تضيعوش هو دايمًا تسأل نفسك هفوز ازاي بالنزر لوجه الله في الجنة انا مكسوف

هكون مكسوف وانا بحط الجدول عشان اوصل للموضوع ده - [00:57:47](#)

استحضار ان الله يراني استحضار ان الله يراني. واقرأ عن اسماء الرقيب والقريب الاسمين دول نعيش معهم شوية اعمل برنامج عن

للحسنة الماحنة الماحيات زي ما فيه سيئات محت في حسنة تمحو السيئات - [00:58:04](#)

آآ انك آآ صدقات بقى جارية انك تحاول بقدر الامكان انك تعمل الطاعات المتعدية واذا عملت سيئة فاتبعها حسنة تمحها على طول

دور على حسنة تشيل السيئة ديت بقدر الامكان - [00:58:27](#)

واختم اصبر واصبري ولك الجنة اول اسبوع من التترك. هيبقى فيه عياط وبكاء تاني اسبوع خنقة بلا بكاء طب تالت اسبوع هتبدأ

تتكلم مع الناس بس فيه خنقة خفيفة رابع اسبوع عادي ولو حد فكرك هتيجي لك الخنقة بس خفيفة - [00:58:49](#)

خامس اسبوع كله عدى سنة باسبوع هتتكلم عن ربنا عاشر اسبوع هتعمل برنامج ازاي تترك وفي البداية وانت راجع ممكن تقف مرة

واتنين وتلاتة واربعة عادي عادي في المعادي انك تقف مرة واتنين وتلاتة وغير المعادي برضو - [00:59:14](#)

فما فيش مشكلة انك تقف. اهم حاجة انك ما تكلمش في الطريق هل معنى هذا الباب ان احنا مش هنغلط لأ هنغلط ونقف مرة واتنين

وتلاتة لكن الاله انه نكون احنا في طريق - [00:59:38](#)

المجاهدة وطريق العودة واللاوبة. ورايحين لطريق المغتسل البارد والشراب راجعين للجنة راجعين لموطننا الاول اللي كنا فيه عشان

نكمل حياتنا الابدية. فاسأل الله سبحانه وتعالى ان يحفزكم ويبارك فيكم ويقر عينكم باولادكم وازواجكم - [00:59:57](#)

لجان بيوتكم دائما عامرة بما يحب الله الرب جل وعلا ويرضى واسأل الله سبحانه وتعالى لي ولكم حسن العمل وحسن الخلق حسن

الختام. اقول قولي هذا واستغفر الله لي ولكم - [01:00:22](#)